

C. B. D.

# RES SLAVICAS,

Recensent,  
publice

PRÆSES

M. CONRADUS SAMUEL  
SCHURTZFLEISCH,

ET

JOHANNES GEORGIUS Sieber

Ossatiensis Misnicus,

RESPONDENS,

*Die XXVII. April. A. M. DC. LXX.*

---

Disputatio XX.

L I P S I Æ, Apud NICOLAUM SCIPIONEM  
M. DC. XCVIII,

## § 1.

**S**cripturus de Slavis, (a) non viri repeto memoriam, sed gentis. Cujus reddere acta, & signare monumenta stylo, ut oportunum, ita utile est visum.

(a) *Ampla Slavorum gens, amplius à gente titulus. Quiries Slavicæ disponunt, recte observant, angustius dici Regem Obortorum, quam Slavorum. Wilforum, quam Vencorum.*

§. 2. Exosa vero huic populo quies, bellorum subinde quæsitæ causæ. (b) Efferatus domi, pugnax foris, ubique Martius, raro dissimilis sui, semper asperi moris tenax. Victus certe aliquando magis, quam domitus fuit. (c)

(b) *Franci, Saxones, Dani, Hunni hoc testantur. Alii complures.*

(c) *Alb. Abb. stad. ad A. C. 810 affirmat, Slavorum gentem Francorum Imperio subiectam. Errat, qui Slavos universos interpretatur. Haud dubie Wilzos intelligit, partem Slavicæ gentis. De quibus paulo ante memoraverat Abbas. Huc consero Annal. Franc. ad A. 789. Cum Wilzis denoto Sorabos, cum Sorabis Obodritos.*

§. 3. Regio, quam coluit, littore sinus Codani (d) finiebatur. Hæc Slaviæ nomine insignis, multis floruit modis. Viros educabat domi, ut milites educeret foras. Consilio bono, nec deteriori successu.

(d) *Hunc dictum à Godis, seu Gotibz conjectant quidam. Imo inde colligunt, Slavos ibi non fuisse Aborigines. Conf. Avent. l. i. A. Roj. Concedo de Slavis, de Vandali exquissimè norione sumpti nego. Slaviam in publicis Erici, Dania Regis, tabulis lego. Legit ante me Lambecius. Reddunt monumenta Danica, Frothonem quendam Slaviam subegisse. Qua fide, promam alibi. Slavorum titulus quomodo pervenerit ad Danos, prolixè persequitur D. Conring. de finib. Imp. cap. 16. Observo insuper, Slaviam quondam aliam Orientalem, aliam Occidentalem dici solitam. Succurris hic mihi celebri Orientalium Slavorum Dux Liduit, op. Theg. de gest. Lud. Et norum ex vetustis annalibus est, utramq; Slaviam in ditione Prin-*

Principum Teutonicorum fuisse, alteram in Marchionis Brandenburgici Theodorici, alteram in Ducis Saxonia Bernhardi. Caterum Slapioras inter Albim & mare Balticum sitas colebant, eoqve à Danis Insulii' se juncti debebant. Quod argumento est, Slavoniam bodiarnam multum differre à Slavia nostra. Illa Illyridia, hac Baltici maris limitem spectat. Neq, tamen Slaviam solum legas, sed etiam Sclavanam. Qvin & Slavoniam. Illam sic nominat aut. Vi. Kar. M. Sclavorum terras innuens. Slaviam Sarmaticam interpretatur Abul Pharajus, ex quo docere promptum est, hac Allaniam, Russiam & Bulgariam comprehendi.

§. 4. De Vetustate gentis non attinet referre. Cujus argumenta reperias neque pauca, si numerum, nec infirma, si pondus spectes. Horum multa Plinius, alia alii habent. Ex his nominandi præter Tacitum Ptolomæus, Jornandes. (e) Neque omitendi Helmoldus Presbyter Bosoviensis, & qui supplendo operam impendit suam Arnoldus Abbas Lubecensis. His addantur Crantzii & Chytræus. Ille tanto magis, quanto plura repetit ex Helmoldo: Helmoldus vero ex Adamo Bremense. Hic quod Crantzii Vandaliam Vandalia (f) augere voluerit.

e) Plinius, Tacitus, Ptolomæus Venedos appellant. Quos bodie Slavos. Helmoldus Winithos, seu Winulos dixit. Admodum hic eos labi oportet, qui Vindilos (alii Vandelos legunt) Plinii pro Venedis habent. Imo & notamus illos, qui sine delectu in Historia Slavica se recipiunt ad Julium Capitolinum, Zosimum, Eutropium, Procopium, Isidorum Hispalensem, Paulum Diaconum, ad Slavos accommodaturi, quæ illi de Vandalis prodiderunt.

f) Ipse hoc facietur Chytræus, res loquitur, operam laudat Illustrissimus quondam Pomerania DUX Philippus II. Magnum sane, à Principe laudari. Notant vero (nec enim id præterierim, ne à meipso dissidere videar) doctiores, Crantzium minus recte permutasse Vocabula Vandalorum & Venedorum, Idem dictum Chytræo volunt. Neque immerito. Quod Paulo plenius declarabo infra. Ceterum de Crantzio Helmoldum, de Helmoldo Adamum Bremensem sequente monuitur

*Ulbo Emmius & Meibomius. Ille de illo rer. Fris. ad A. 1147. hic de hoc Nor. ad Wisich.*

§. 5. Ab antiquissimo inde tempore Reges habuisse, late diffusa fama fuit. De regibus Slavorum, de conditione regum nil definire ausim. Eorum præsertim, qui Caroli M. antecesserunt ævum. (g) Slavis Sorabis, (h) Marahensibus (i) Duces attribuo: Attribunt annales. Wagriis, (k) Abodritis (l) & Wiltzis (m) Reges præfuerunt. Unum defuit, regia potestas. Præter nomen forte non multum superfuit. Omitto Slavos Behemos. (n) De quibus in hoc genere dubitandi quidem relicta occasio est. Haud diversum conjicio de aliis Venedicæ gentis populis. (o) Conjiunt docti mecum. Affero insuper, si ad Carolingorum ire ævum liber.

g) Innumus his Saxonis Grammatici in recensendo majorem fiduciam, quam certitudinem. Simul eorum, qui Saxonem sequuntur. Affectu magis, quam adhibito rationum delectu.

h) Alio nomine Serbi. Populi Venedica, seu Slavica originis, orientali Saxoniam confines. Ab his celebris Sorabici limitis titulus, A. Fr. ad A. 822. 858. Quorum Dux Miledaoch à Carolo juniore interfectus memoratur ad A. 806.

i) Qui nobis Marabenses, aliquando Margenses appellantur. V. A. Fr. ad A. 863. Magnam Slavorum Marabensium proterviam ex eo cognosco, quod Duces, etiam invitos sibi construerent, interitum, nisi assensum præberent, minantes ad A. 871.

k) Helmold. Cb. Slav. l. 1. cap. 12.

l) Qui nobis Obodriti, alii jam Abodriti jam Adobodriti scribuntur. Reguli potius, quam reges erant. Nomen certe regum, potestas Ducum erat. Hac vero ex populi magis nutu, quam ex jure pendebat. Documento Slaomir missus in exilium, surrogato ei Ceadrogo, filio Thrasconis. A. F. A. C. 819. Ad A. 844. memoratur Rex eorum Gozzomvil, ab Hludovico interfectus. Causam exponunt A. Fuld, Sig: Gemblacensis, alii.

m) Alii Wilsf, ut Eginhardo cap. 12. Wilzi Alb. Abb. Stad. A. 810. 823. Doctissimus Reinkecius legit Wilci, arbitratus, à voce Wilk lupi notionem habente appellatos. Eamque Lithuanis familiarem esse refert. Forse ut indicium proferat, gentem effera-  
tissimi ingenis, & non multum ab ludeni à lupino fuisse. Wil-  
zororum de regno contentiones legi ap. auct. Vit. Lud. Pii p. 379.

n) *A. Fr. ad A. 805. Ubi Rex eorum Lecho (aliis Leebus) nominatur. Add. A. 869. Alias Boemani Slavi. Hodie Bohemi. De borum regibus extat Chronicon Cosma Pragensis. De Boh. in capite publici juris vid. D. Conring. cap. 29. de F. I. De Bohemia & Austria conjunctione, sive ut hodie loquimur, patris successoris, vid. Autor continuat. Vandalia Cranziana, Chytrao laudatus, edit. Witteberg. A. 1585. Sed hac atq; talia accuratissime, ut alia solet, persequitur Goldastus in tract. de regn. Boh.*

o) *De Slavis Moravis: Tum & de Slavis Sarmatis, V. Horn. Hist. Imp. in Hist. Slav.*

§. 6. Verum enimvero multis Vandali (p) sunt, qui nobis haec tenus Slavi. Horum primus Rex quidam memoratur Vandalus, uno & quadraginta, ut ajunt, annis rerum in Germania potitus. Ea sententia Johannis Aventini est, (q) ut creduli nimis, ita referentis minus certa. Alius rem aestimat doctissimus Civis meus, Henricus Bangertus, (r) industrius, cum viveret, Polyhistor. Qui Vandalum ut nominis, ita gentis auctorem ducit ab Ascenazo. Ascenazum à Japheto. Ab Ascenazi familia repetit Svevum, Principem quendam eo nomine appellatum. Svevo filium Vandalum, Vandalò avitas inter Travam & Vistulam sedes assignat. De Ascenazo & Japheto sat certitudinis, veritatis abunde est. At de hujusmodi Posteris dubitationis multum, plurimum erroris. Allegantur in hanc rem monumenta. Sed minus proba, eoq; indigna, quibus assentiariis. Parum verò habet laudis, gentium laudes fabulosis originibus celebrare. Sua ætate Vindelos (s) Plinius, Vandalios Tacitus appellavit. Nec tamen habeo, ut ambigam, jam multo ante bella gessisse, adversus Romanos, etiam cum nondum Romanis hoc nomine innotuissent. Cimbris mixtos petiisse Italiam, pugnas cum Romanis, suspicor. Imò colligo in historia Theutobochi. (t) Sed Gothis (u) dum eo susceperent expeditiones, junctos fuisse, ne dubito quidem. Manifestius multo & distinctius sequiori ævo nosci coeperunt. Præsertim sub id tempus, quo rerum in Oriente Arcadius, in Occidente Honorius \* potiebatur. Adolesebat jam fama gentis, cum fama impetus augebatur. Diu ille latere ignis. Gliscere quandoq; Sed mox sopiri iterum. Ab Aureliano (x) inde ad



Theodosii M. (y) usque tempus in cineribus condi. Tandem erumpere incendium, & corripere Theodosii junioris purpuram. Atque tunc emergere quasi ab inferis æstus, crescere Martius calor coepit. Austus in Croscio, (z) Godgesillo, (aa) Gunderico furor. Hi agere, rapere cuncta assueti, manu, ferro, igni vastant regiones. Galliam, Hispaniam subeunt & populantur. Romam diripit Genserichus. (bb) In Roma Romam quæ sivilles, si vidisses ruinam. Iterum Carthago Romæ æmula, mox victrix esse gestit. Gensericho, quasi altero (cc) Hannibale amplificandæ dominationi intento. Nempe fundaturo in Africa Imperium nil perinde optandum erat, quam subverti Romanam, florere Carthaginem contra. Nondum malorum satis. Unius sævitix finis alterius initium fuit. Profectus a Rugis Odoacer, (dd) cum Romæ imperium Romanum in Occidente evertet, (ee) periculis illis longe peior, crudelior certe. Nam quum antea constaretur morbis, scedata ejus facies, vires, robur amissum fuit. Inde ad ruinam via, ad exitium aditus. Jam dissolvitur sacer ille Imperii contextus. Sequitur tandem diuturnos morbos tristes & hæcenus omnibus formidatus interitus. Interitum funus. Funeris demum efferendi instrumentum, Thorcilingi, Sciri, Heruli, barbari omnes, auctor Odoacer, comites læticia & plausus apud barbaros, dolor, luctus apud Romanos. Sed repeto Vandalorum (ff) Venedorumque nomen. Utrumque usurpavit nitida ætas. Ignoravit autem Slavorum. (gg) At verò seqvior illa & minus culta mutavit loquendi morem. Tantoque hoc fecit familiarius, quando recentius erat. Usque adeo quidem, ut nec hodie iverit in desuetudinem. Extat verò Slavorum illud non modo apud Jornandem (hh) & Helmoldum, sed etiam apud Gregorium Pontif. & Blondum. Reperitur insuper in annalibus Francorum, in opere Thegani de gestis Ludewici, (ii) in annalibus aliis multis. Imo in seqvioris ævi scriptoribus omnibus. Nullo, quoad meminerim, excepto. Eorum quidem, qui hujus condiderunt historiam gentis. Sed & frequens Vinulorum, Winithorum, Wendorum vocabulum invenias. Multis Vinidi, plerisque Vinidæ, nonnullis Slavini dicuntur. Aliis Heneti. (kk) Aliis Veneti audiunt. Sunt etiam, qui doceant, Vindilos & Vinulos appellatos. Iidem ex Tabulis Veteribus Vindolos nominant. Verum nolum diffiteri, esse quædam horum, quæ paria non faciant, ut face-

re maximè videantur. Nec celaverim, P. Daconi Winilos, Sigberti insuper Winulos multum distare à Winulis nostris.

p) *Nomen putant à cupidine migrandi profectum. Hinc Vandalos interpretantur die Wandler vom wandern. Qui Tiotismum colunt, Wandalos scribunt, diversos à Venedis, seu Wendis nostris.*

q) *Annal. Boj. l. 1. p. 16. Ed. Basf.*

r) *Ad Helmod. l. 1. p. 7. Ubi animadvertendum, Slavorum Originis à Riphatia, Wandalorum, ut gentis Germanorum, ab Ascania (Ascanazi posteris) arcessendas esse.*

s) *Perperam legunt, qui Vindelicos legunt Cum Vindeliis Winuli non sunt confundendi. Hos, ut putant, Homerus Henetos, Romani Venedos, recentiores Slavo dixerunt. Vindilos ignorat, qui hac nomine Vindilis tribuit.*

t) *Quæ fabulosa de hoc Cimbrorum Rege traduntur, præbavit Petrus Gassendus in Vit. Peiresk. l. 3. p. 88. & l. 4. p. 156. Ed. Hag.*

u) *Plinius nostrarum partium est, qui prodidit antiquitus Vindelorum nomine comprehensos Burgundiones, Varrinos, Carinos & Guttones, H. N. l. IV. cap. 14. Affirmat insuper Procopius, omnes Gothorum Vandalorumque gentes uno quondam Getarum nomine appellatas. Comprehensos quoque una Sarmatas & Melanctenos. Quod indicio est, nimis generatim vocabulo hoc usum. Cum præter verum sentiat, qui Gothibus Vandalisque nostris proprie sumit Originem Geticam ascribere quidam putet. Quantum enim Thrax à Celta, tantum à Germano differt Getæ.*

v) *Hic Wandalorum ad Honorium asserenda epistola est. Allegat P. Diaconus in supplement. Eutrop. Verborum hæc formula est. Tu cum omnibus pacem habe. Omnium obsides accipe. Nos nobis confiligimus. Nobis perimus. Hi exciti antiquis sedibus in Galliam, Hispaniam ac Siciliam profecti, regnum sibi, capta Caribagine, in Africa condiderunt. Quod Justiniani avo subversum tegimus. In Africa Africanos mores induisse, contra exuisse indolem Germanicam colligo. Vestigia stirpis hodieq; in Africa superesse memorant, qui reddunt res gentis Africana,*

na. *Vid. Auct. Vit. Tass. Seculum inprimis à C. N. IV. fatale ad hujus gentis impetum fuit.*

- x) *Etiā jamdiu ante Aurelianum hoc nomine claruerunt. Maxime in bello Marcomannico, ubi eorum virtus, facinora eluxerunt. Vidit, sensit M. Antoninus. Annotavit Procopius.*
- y) *Observat Buno Vandalos ut sub Constantino M. pacificos, ita sub Theodosio M. tumultuosos fuisse. Id H. p. 114. Sed felicitate Imperatoris cohibiti, tandem ultro se submiserunt. At non diuturna quies. Ab excessu ejus vix sopita crudelitas reerudescit, suscitante homines istos Stilicone. V. P. Diac.*
- z) *Hoc duce infusi in Galliam, pradas egerunt Vandali. Aliis Crocua, multi Carocus scribitur. Horn. Hist. Imp. 173.*
- aa) *Plerisque Gondigisilus. Is militem in diversas regiones im-misit. Galliam, Hispaniam, Lusitaniam armis infestavit. Isid. Chr. Vand. J. Lat. comp. H. un. p. 125.*
- bb) *Dux & autor Africa in obsequium redacta. Regnum in ea excitavit, capta Carthagine, Ro. Imp. hactenus per 585. annos obnoxia. Causa mali à contentione Ducumbelli. Fons sceleris Bonifacius, nomine, quam affectu melior. Occasio sceleri offensa apud Valentinianum constata. V. Jornand. de reg. success. Exitus cum ruina Imperii conjunctus fuit. Cape à Bonifacium ali imaginem administri. Qui impius erga Cæsarem, iniquus erga Imperium, ingratus erga utrumque & perniciosus sibi fuit. Nam circumspiciorem fuisse oportuit, cum externum militem accitum vellet. Sapè opprimis iste, qui venit liberatum. Etiā liberandi colorem præferre is potest, qui vult oppressum.*
- cc) *Genferichus noster aliis Genfericus, nonnullis, ut Jornandi, Gizericus dicitur. Consilia & artes dominationis paulum declarat Paulus Diaconus, cum obtentu amicitiæ & paci ab eo occupatam Carthaginem refert.*
- dd) *Jornandi Odovacer. Is genere Rogum (Rugum) memorat. De Rugis tamen ei subiectis nihil meminit, sed solum Thorcingorum, Scirorum, Herulorumque Regem vocat. Herulos Gothica genti vindicat Zonaras. Assentior Zonara. Neque displicet, quod Pb. Cluverius eorum inter Rugios & Gothos sedes*



sedes commemorat, in Germ. Antiq. Quin existimaverim, eos in pariem originis Vandalica venire. Nescio vtro, an hic quidam recte conjicere audent, Odoacrum natione Venedum fuisse, ex Slavis Rugianis oriundum. Sane Rugii genere sunt. Rugi autem numerantur in Slavis. Quod si ita esset, documentum foret, Slavicam savitiam non cessasse Vandalica. Interim hoc conf. Machiav. de migrat. Pop. Sept. diff. quæ extat in ej. H. El. Digna Goldasto visa, quam laudares & infereret suis.

ce) Nempe auctum firmatumq; Roma Imperium in Augusto, extinctum in Augustulo (Nomylo) fuit. Hic ultimus in Occidente Imperator. Primus ab eo in Italia Rex Odoacer, quanto magis regis italici, tanto inimicior Imperatorio. Tegebat callido hoc instituto exquisitum dominationis instrumentum, alibi, cum causas deminuti Imperii Occidentis persequimur, erudiendū.

f) Destruo Vandalorum sub Gilimere auspicio Justiniani, ductu Belisarii, regno, exolevit quod, Vandalica gentis nomen. Conversio hæc in Sec. VI incidit. Prudentius Poëta Christianus S. II. ejus meminit ad Symmachum.

- - - Dacia, Sarmata, Vandalia, Hunnia.

Getulus, Garamas, Alemannus, Saxo, Gilaulas.

Conf. Fabr. Sax. un. ad A. 390. Sec. VI. Jornandes, II. X. Paulus Diaconus usurpavit, sed ex memoria rerum à Vandalis Sec. VI. gestarum.

gg) Slavorum Slavinorumq; nomen à VI S. frequentari capit. Sed nondum ita, ut obliteraretur Venedorum, quippe ipsi Jornandi usurpatum. At sequioribus seculis ita invaluit Slavorum illud, ut prioris mentio rara, apud plerosq; nulla, hujus assiduo esset. Summatim Slavorum Slavinorumq; nomen puriori ignotum ævo, sequiori contra, eidemq; minus cultro usitatissimū fuit.

bb) Wittebando nostro in A. Sax. dicitur Jordanus. Qui ut multa hausit ex Probo, Dexippo, ita ex M. A. Cassiodoro excerpta reliquit, homo Ostrogotibus, Episcopus Ravennas. Conf. Voss. de Hist. Lat. l. 2. c. 20. Præter hunc Slavinos habet Procopius Casariensis.

ii) Ex Bibliotheca P. Pirboei, Cl. J. Cti, & in re antiqua Versatissimi.

kk) Vnlgo Henetos pro Venedis habent. Dissplicet id Pb. Cluv. in Germ.

Antiq. dum probat, Paplagonicam illam gentem cum Venedica

nostra nil commune habere, eoque Henetos non fore genitores Venedorum. Hoc iis dictum esse, qui Ενετων Vocabulum apud Homerum observant. Inprimis, quibus cura est recte scribendi. Concesso enim hoc, nec Henetos, nec Vencos reddere per Venedos licebit. Haud tamen omiserim, Davidem Chytraum pro certo habere in Vandalia sua p. 3. eosdem esse Venedos, qui Veneribus Heneti fuerunt. Sed vix accesserim Chytrao, qui ut Vandalos vix satis (nisi tamen referre magis quadam, quam probare voluit) à Venedis, ita nec Henetos accurate distinxit ab iisdem. De Heneti mentionem fecerunt Homerus, inter profanos antiquissimus, Livius subinit. Hist. Addatur Alex. Gvagninus Veronensis descript. Sarmat. Europ. cuius auctoritate quosdam abusos animadverto.

§. 7. Multum adeo hic desideraverim in cura eorum, qui res condere Slavicas sunt aggressi. Nobis Winedi à Wandalis diversi. (ll) Aliis iisdem (mm) Allegamus nationem, locum, sortem nascendi, linguam, ingenium, habitum, mores, diversa omnia. Nec tamen audebimus dissimulare, secutam tractu temporis confusionem vestigia reliquissè diversitatis. Quot auctores, tot sententiarum, tot lites. Haud pauci incuriam exprobrant Helmoldo. Omnibus etiam Helmoldum imitantibus. Sed vellem, parcerent Helmoldo. E diverso notarent Crantzium. Cum Crantzio forte Chytraum. Sunt, qui utrumque in scopulos impegisse, putent, alterum Ducem erroris, alterum Comitem, si tamen comes fuit. Nec probe distinxit Aventinus. Nihilo sæpe accuratior P. Cluverius fuit. Omitto novitios plerosque, auctoritate Crantzii deceptos. (nn) Qui adeo non discreverunt has gentes, ut quoque unam utrisque originem, communia certè omnia vendicarent. Atqui vero multo rectius propunciaturi videntur mihi, quotquot habent pro diversis. Accedo sane, his, assentior constanter. Discedere hinc audacis, dissentire imprudentis erit. Itaque tantum distat à Winedo Wandalus, quantum à Sarmata Germanus, à Germano Scythia, ab indigena exterus.

ll) Tacitus de M. G. dubitat, Venedorum nationem Germanis, an Sarmatis adscribat. Ego non amplius dubito adscribere Sarmatis. Cum quidem ab ultima sua origine spectantur. Nec facit ad rem, quod Winedi, procedente tempore, sacri Imperii Germanici cives sint. Armis eo redacti, partim vestigal pendebant, partim Impe-

Imperio subdebantur. Illud ex Eginbardo, hoc ex Alb. Abb. Stadenſe colligo. Jure nationis diſtinctos à Germaniſſiſſis fuiſſe, ſufficit in præſenti. Ne dicam, Venedos, cum in Veterum Vandalorum (Germanorum) locum ſubirent, juri ſe non potuiſſe ſubducere, quo obligati Vandali fuerant. Sed ita pro certo ſumitur, omnes gentes ſeptentr. paruiſſe Romanis Imp. quondam, quod negamus, aut unam olim omnium Germanorum rempublicam fuiſſe, quod perinde eſt negandum. Et ceriè negabitur infra. Alioqvi his admonent quidam, aliter de Imperio Germanico, (Germano-Romano) aliter de regno Germanico, quatenus Germanico loquendum. Cum illi faſces ſummiſerint etiam non Germani. Reſte ſatis. Concedimus, quod dicitur, modo dicatur convenienter inſtituto. Modo tempora converſionum civilium accurate diſtinguantur.

mm) Haud inſicias iverim, vocem Vandalorum aliquibus nimis generatim ſonare, etiam eos, qui Scythica gentis erant. Niſi forte Scythiam Teutonicam velint intellegam. Hunc ad modum in expedito eſſet, explicare autorem Magni Chronici Belgici, qui Vandalos à Scythis oriundos putat. Cateroquin de Slavis per Sarmatiam diſperſis, eorumq; migrationibus vid. Cromerus l. 1. Hiſt. Pol. & ex eo J. Lat. Comp. Hiſt. ad A. 527.

nn) Diſerte D. Conring. cap. 16. de finib. Imp. p. 244. affirmat, Cranzium populariſtiſſi erroris auctorem fuiſſe.

§. 8. Sequitur, ut de Vandalorum Slavorumq; migratione exponamus. Hic quanto obſcurior hiſtoria, tanto difficilior hiſtoriæ cenſura eſt. Judicet, qui velit, ſtatuat, qui poteſt. Ego cenſeo, primam omnium gentium profectionem ex Aſia (oo) repetendam. Hæc primi hominis ſedes, hæc tot gentium nationumqve proma conda fuit. Inde à diluvio alii in Europam, alii in Africam conceſſerunt. Multi per fretum Anianum tranſvecti: Americam ſubierunt (pp). Quibus Europa ſive forte, ſive alio juris titulo, ſeu vi etiam obtigrit, in diverſos migrarunt tractus. Alios Sarmatia (qq) tenuit. Eos certe tenuit, qui ad Tanaim & Boryſthenem conſederunt. Alios invitavit vaſtum illud inter Albim & littora maris Baltici ſpatium. (rr) Vandalos dico, qui has oras primi coluerunt omnium. Vandalis Venedi, (ſſ) Venedis Sarmatæ, Germanis Scythæ ſucceſſerunt. Nempe exire domo, tranſire patriæ fines, petere alias ſedes, occupare alienas regiones, de-

linare transmarina, mittere colonias, summa genti voluptas. Major aviditas, quam prudentia erat. Jam tot consumpti migrationibus cives, tot exhausti bellis milites, attritæ domi, vexatæ foris opes, vacua cultoribus patria, desertus ager prænunciabant tempestatem. Nondum hæc sentiebatur, cum ingrueret, nondum ingrebar, cum decideret in caput, cum opprimeret inopinantes. Invadunt Vandalorum ditiones Venedi, (11) Impetu hi rem agunt. Domi relictos facile exturbant. Profectis domo in alias terras reditum negant. Redituris vim, arma, militem opponunt. Sic vincebantur, qui vicerant hætenus, expellebantur, qui expulerant alios, ex eo puniendi, quo peccati asperferant labem. Expulsi Vandalis solum mutabant, non animum. Adeo similes sui, adeo tenaces veteris moris. Digni his Venedi successores, nihilo meliores, aut certe non mitiores antecessoribus suis.

oo) *Vid. Scalig. Epist. 242. Assyria, inquit, ut omnia præfata monumenta testantur, prima omnium regionum culta fuit, ibi sunt natales primi hominis. Assyria verò Asia regio. Asia ergo prima primarum gentium sedes. Exemplum ab Henetis, quandam Paphlagonia, Asia minoris Provincia incolæ sumunt. Quam in rem vid Alex, Græginus Veronens. descripsit. Sarmat. Europ. f. 3. Sed Paphlagonica illa gens audacius buc alligatur, quam certius. Repugnant doliiores, & ipsa antiquitatis documenta. V. Cluverius supracit.*

pp) *Hoc est illud fretum Anian, quo Asia ab America diiungitur. Quod qui tranarunt ac pervaserunt, in parvum, quem sic dicimus, delati orbem sunt. Unum hic addo observandum civilis prudentia cultori. Americani à culta Sinarum gente expulsi, qui cum classe eo profecti, ritus, exempla, vestigia in republica Americana longe plurima reliquerunt.*

qq) *Slavia Sarmatica non anguste capienda est nimis. Quippe quod ea comprehendat non Polonos modo, sed & Lithuanos, & vastam illam Russorum seu Moschorum gentem. Illudq; adeo indicio est, Slaviâ hanc Sarmaticam in Asiam usq; porrectam esse.*

rr) *Multis etiam trajectus Oceanus, longius profecturus iter. Gothibones appello, Gothia jam olim occupata testes. Hi trajecto mari, Insulas, Peninsulas multas impleverunt. Et Codano forte sinui origi-*

originem, nomen, auspiciū dederunt. Profecto Aborigines ibi, non advena fuerunt. Contra Venedi, à quibus Venedicus, hoc ē Finnicus, Sinus, advena, non Aborigines, extiterunt.

ff) Cur Venedos scribamus, non Veneros, jam supra reddita ratio est. De Veneris proprie dictis tanto manifestius constat. His Adriatici maris sinus præbuit sedem. Venedi campi ad Tanaim & Borysphenem conspiciunt. Sicubi ergo aliter scriptum legas, mendam interpretaberis. Unde ortus error sit, facili conjellandi ansa est. Prima huic occasio ab Henciorum vocabulo nata. De Venedis addiderim, Sarmatiam ab initio coluisse. Autorem sententia habeo Ptolomaum l. 3. cap. 5. Atq; verò Sarmatia cum Vandalianis commune habet. Ilac enim Teutonica gens est, secus a q; illa. Sic Gotibos memini quondam ad Vandalos referri solitos, Venedos nunquam.

tt) Hanc utriusq; gentis vicissitudinem & successionem mutuam ex monumentis proba vetustatis assunt Alibamerus, Rhenanus, Latomus, L'Adrianus, novissimi Grotius & D. Conringius, ex professo hoc argumentum persequuti, ille in Proleg. Hist. Gotib. hic in alleg. libr. de finib. Imp. Addantur commentatores in Helmod. Reineccius, & eo recentior Bargerius.

§. 9. Jam quæ facies regni, quis cultus, quodve ingenium Slaviae Regum fuerit, expediā. Sed difficile est, expedire. Difficilius definire. Reges habuerint regia potestate præditos, an regulos, nil nisi placito populi acturos, reperire, ambiguum multis, scire, supervacuum plerisque. Vetera, fateor, hæc sunt atque obsoleta. Aliis fortasse odio. Aliis fastidio. Nos sequemur eos, qui ut præsentia non oderunt, ita jucundum ducunt, repetere antiqua, ponderare antiquorum rationes. Ante omnia habemus pro certo, formas imperiorum, quas Schola Prudentium appellat, cum temporibus posse mutari. Testatur id tempus ipsum, testantur acta temporis, testantur regnorum vices. (un) Tum nolim dubitare, Venedos ut patria & gente, ita republica à Wandalis disjunctos fuisse. Diversæ hæ gentes. Gentium adeo societatem constaturæ, non civitatem. Quin Venedos ipsos ut sedibus, ita civitatis jure discretos fuisse, colligo. Colligo de Wandalis simul. Faciam, ne ratio desit asserto, ne vires rationi. Ferox gentis ingenium, effrænati mores, diversa studia in



diversas partes scindebant gentem. Inde diversæ civitates, diversa civitatum orta sunt jura. Commune id cum Germanis habuerunt. Quos qui in unam coaluisse rempublicam dicet, aliquid monstri alet. (wv) De antiquissimis illis loquor. Hodie alius rerum status, alia Imperii Germanici facies indolesque est. Sed revertar ad mores, placita, instituta diversa. Certe alii Winedorum magis, alii minus barbari. Quidam literis exculti Runicis, quidam prorsus impoliti erant. De illis passim legas licet. Cum primis in Historia Bremensi. (xx) Quæ Runos memorat fortissimam Slavorum gentem. Eo refero Diminem, urbem frequentia Runorum celebrem. Hic scholam, hic domicilium sapientiæ pro capto condiderant suo. Sed mitto Runos. (zz) Mitto Runorum Scholas. Satis habeo, Runos Slavicæ gentis fuisse. Rursus morum exaggeranda diversitas est. Hanc diversi corporum habitus, dissimiles vitæ animorumq; cultus testantur. Cæteris constantiores Abodriti. (aaa) Sed & superstitioniosiores iidem. (bbb) Si Wagrios & paucos excipias. Alii proniores in tumultus. Alii tenaciores libertatis. Omnes in eo pares, quod sacra, ritus, ceremonias Christianorum averfarentur. Tantum aberat, ut ultro his darent nomen.

uu) Venedi ante Carolingorum Imperium liberiores. Hinc restitui Imperium subeunt. Sub Ludovico Germanico respirare iterum, & non multo post ad veteres redire mores incipiunt. Ab excessu Carolingorum eos domuit omnium maxime Henricus Auceps. Ne taceam Ottones. Sub Henrico IV. mordere frantum, excutere jugum conati, se reddunt libertati. Rerum potente Henrico V. in Saxonibus Slavia quodammodo in jus atq; dittonem Imperii reversa est, dicente sacramentum Henrico Slavorum regulo. Essent hic, quæ de Kanuto Dano, & Henrico Leone Saxone afferrem, sed brevitatis me impedit. Brevitatem supplebit Helmodus. Unum addo, Venedorum sedem primo vastissimam Sarmatiam oram: Inde amplissimum inter Albim & mare Balticum ad Visulam usq; & adco ipsas Polonorum terras protensum iterum fuisse.

ww) Vid. Conring. de Urrib. Germa. pos. 42. Nempe unius Originis atq; nationis populo respublica minime una, moribus in diversum abeuntibus.

xx) Te-

xx) Testatur Bremensis habitasse in ostio Panis (alii Peanis) Hinc Slavi dividuntur in eos, quicquid trans Panem coluerunt. Celebris ad flumen Panis Civitas Dimine, a qua Slavi Diminenses, Pomerania civer. Caterum Runos, Rugos interpretor.

zz) De literis Runicis Vid. Olavi Wormius, Medicus Hafniensis, vir in isto antiquitatis genere exercitissimus.

aaa) Constat ex historia Caroli M. hos in retinenda fide, servando fœdere ceteris constantiores fuisse. Nisi tamen metu id fecerunt magis, quam amore recti, aut studio erga Carolum, ut ego quidem non plane nullas habeo causas suspicandi. Hæc tamen ipsi mos Slavicus; quem auctor annalium à Pitboco editorum recitat, quo nulla fidei, nulla patrum ratio habebatur, ad A. 871. Talis quoque jam olim Vandalica fides proverbio locum fecit. Cujus specimen dederunt Genfericibus & Stilico Vandali, de quibus Paul. Diac.

bbb) Obortitis Radegast, Polabis Siwa, Wagris Prove in loco nummis erat. Præter Obortitos Wagrii usque adeo tenaces superstitionis erant, ut quosque bujus reliquias proderent, cum lumine diviniore collustrarentur. Et sæculo quidem IIX. Idolorum additos vanitatis Venedos omnes lices existimare. Sec. IX. auspicio Karoli M. illucescere purioris doctrinae jubar capis. Necdum tamen omnia discussa caligo. Cui testanda faciet S. XII. De Slavis Conradus III. ævo eadem caligine fascinati vid. Ulbo Emm. ad A. 1147. & Helmold illorum temporum fere æqualis. Vandalis eo feliciores Slavi, quod illi tenebris evoluti Arianismo inquinarentur auspicio Valentis, hi non. Cateroquin inter Slavos omnium primi Christianorum sacra receperunt Bulgari, à Bulgaris deinde Sorabi, Bulgari à Græcis. vid. Chytraus in Sax. p. 35. de Slav. Gent.

§. 10. Juvat, quod cœpimus, pertendere argumentum. Spectabit is eo labor, ut Principum Slaviæ jus paulo evidentius innotescat. Reperimur, qui putent, Reges hos conditionis non multo melioris fuisse, quam illos Laconum, quorum regnum nil aliud, nisi prætura belli fuit. (ccc) Amplius id declaro ab ingenio Slavicæ gentis, quod raro moderatum, semper turbidum. (ddd) Inquietum insuper & pronum in bella, & absolutiori adeo imperio non assuetum. Ritus, habitus, vires, robur gentis hanc augere persuasionem possunt. No-

vum id liberi populi argumentum. Cui hoc cum antiquissimis Teutonibus commune, odisse servitutem, amplecti libertatem. Nempe adeo impatiens jugi erat, ut nollet teneri jugo. Vellet autem mulceri, & Principe aut moderato uti, aut nullo. Hoc tabulae Veteres, exemplares gentis confirmant. De Rugis obsequium memorat Tacitus. At salva gentis libertate interpretandum, Ego non tam à vi, aut libero regnandi jure, quam à voluntaria. quadam veneratione detrahendum. Unum desidero absoluti imperii argumentum. Quæro identidem (ere) Vestigo, executio omnia. Nullum reperio, unde conficiam, reges nullis exceptionibus, solo absoluto jure regnasse. Stabit adeo cum obsequio illo libertas, cum libertate obsequium. Vetustissimos illos signo. Seqviori tempore alius rerum successit status, alii subierunt mores.

ccc) Eryc. Putean. Polit. Arist. p. 240. Est aliquis nobilitas, qui refert, Rugiorum Reges parum fuisse à sorte hominum privatorum, quod de iure dictum interpretor. Desidero certe huius opinionis auctorem. Tacitus obsequium dijerte tradit.

add) Adversus eos limitanea Provincia constituta. Inprimis Marchia Brandenburg. vid. Cranz in Vand. Turbii frequenter jactatus, Vtidi & Abodriti, Vetusti utrorumque inimicitias commemorat auctor sua Kar. M. Haud dubie & concordiam & conjunctionem civilem impedituras. Tum indicio futuras, Genti niltam injuriam fuisse, quam servitutem, & unius in aliam imperium. Et jam supra recitabimus, quid in reverentia & cultu Gentis erga Reges suos desideremus. Huc spectant Renorum cum VVilcu dissidia.

ccc) Solos excusimus Sclonas, quibus diversum à Germania, Pandalu, Slavia demum fuisse ingenium Tacitus memorat, si tamen memorat ex fide. Quum longe aliud de iu referat Adamus Bremensis, & refragetur ipsa insuper indoles Gentu. Sed id earum, cum perscrubar singulare de Sclonibus argumentum. Nil addo ultra. Habere aliquot multa, quæ ad idem de Slavia Daleminciu, a cultu Veteru Misiona parte notissimu, de Serbu item, Uchris, Polabu, & reliquis omnibus, quibus sua à stirpe Slavica propago. Saltem ingenio sorti gentu. Cujus majores ut fidei, ita existimationis magnam fecerunt jacturam. Macula etiam posteris hæsit. Tanta quidem, ut in Collegia Opificum Germanorum non admittantur, errore admissi excludantur quog. Quem morem inquisitionis postulat Leonhardus Schrittmeyer in specul. Polit. quæst. 39. usu, exemplo, utilitate diversum etiam probant Belgæ, ut notu, ita Venedu quogve recipiendus perfaciles juxta & liberales. Verumenimvero de lingua Slavica alii agant. Mibi meminisse sufficiat, tantam ejus dicenda quondam necessitatem fuisse, ut sanciretur publica imperii lege. Nec lineam amplius ducimus. Ducat, qui volet ex augusta imperii sanctione, A. B. tit. ult.